

皆似是水滸事本倘出水滸後必不更創新  
名又郎瑛類稿記點鬼簿中亦具有諸人事  
迹是元人鍾繼先所編然則施氏此書所謂  
三十六人者大槩各本前人獨此外則附會  
耳郎謂此書及三國~~正~~續貫中撰大謬二書  
淺深工拙若霄壤之懸詎有出一手理世傳  
施號耐菴名字竟不可考友人王承父嘗戲  
謂是編南華太史合成余以非楮胥之魁則  
劇盜之靡耳

施某事見田叔  
禾西湖志餘

莊岳委  
談下

終

玉壺遐覽引

筆叢壬部

凡四  
卷

方丈之宮周加聖焉一闢如竇月光入四壁瑩  
然友人習道家言者顏其楹曰玉壺壺中空  
無長物僅左右二几几無長物僅道書數十  
身石羊生既從赤松子游歸憩壺中日喀然  
几上寤則取道書讀之若漆園鄭圃輕天地  
細萬物揆諸大道允矣卽放言六合要以明  
縣寓之無窮破牆面之敝識自秦漢諸君慨  
慕長生而弗繇其道顧褰裳濡足於瀛海間



於是方士家言雜然並興淮南厭次以說張  
 之勾漏勾曲以詞文之逮今所傳五城三山  
 絳宮瑤樓諸仙聖儀衛章服一胡紛紛麗詭  
 也余鄙且怠未必夙規於大道益之病靡濟  
 勝資朝夕一壺如守五石瓢其於六合之外  
 猶之坐井而闕又惡能鏡厥是非第集其言  
 尤侈者著於篇以當臥遊曰玉壺遐覽云壬  
 辰仲冬芙蓉峯客題

玉壺遐覽引

筆叢

壬部

玉壺遐覽一

東越

胡應麟

明瑞

著

新都

江湛然

清臣

輯

澱水

趙鳳城

文鎮

校

隋經籍志曰道經者云有元始天尊生於太元  
 之初稟自然之氣冲虛凝遠莫知其極所說  
 天地淪壞劫數終盡略與佛經同而以天尊  
 之體常存不滅每至天地初開或在玉京之



上或在窮桑之野授以秘道謂之開劫度人  
然開劫非一度矣故有延康赤明龍漢開皇  
是其年號其相去經四十一億萬載所度皆  
諸天仙上品有太上老君太上丈人天真皇  
人五方天帝及諸僊官轉共承受世人莫之  
預也所說之經亦稟元一之氣自然而有非  
所造爲亦與天尊嘗在不滅天地不壞則蘊  
而莫傳劫運常開其文自見凡八字盡道體  
之奧謂之天書字方一丈八角垂芒光輝

耀驚心眩目雖諸天仙不能省視天尊之開  
劫也乃命天真皇人改轉天音而辯析之自  
天真以下至於諸仙展轉節級以次相授諸  
仙得之始授世人然元始天尊經歷年載始  
一開劫受法之人得而寶秘亦有年限方始  
傳授上品則年久下品則年近故今受道者  
經四十九年始得授人推其大旨蓋亦歸於  
仁愛清淨積而修習漸致長生自然神化或  
白日登仙與道合體其受道之法初受五十



丈籙次受三洞籙次受洞玄籙次上清籙籙  
皆素書紀諸天曹官屬佐吏之名有多少又  
有諸符錯在其間文章詭恠世所不識受者  
必先潔齋然後齋金環一并諸贄幣以見於  
師師受其贄以籙授之仍剖金環各持其半  
云以爲約弟子得籙緘而佩之其潔齋之法  
有黃籙玉籙金籙塗炭等齋爲壇三成每成  
皆置綿蕪以爲限城傍各開門皆有法受籙  
者亦有人數之限以次入於綿蕪之中

面縛陳說愆咎告白神祇晝夜不息或一  
七日而止而齋數之外有人者竝在綿蕪之  
外謂之齋客但拜謝而已不面縛焉而又有  
消災度危之法依陰陽五行數術推人年命  
書之如章表之儀并具贄幣燒香陳讀云奏  
上天曹請爲除厄謂之上章夜中於星辰之  
下陳設醮脯麩餅幣物歷祀天皇太一祀五  
星列宿爲書如上章之儀以奏之名之爲醮  
又能登刀入火及諸服餌辟穀金丹玉漿雲



英蠲除滓穢之法不可殫記云自上古黃帝  
帝嚳夏禹之儔竝遇神人咸受道籙年代旣  
遠經史無聞焉推詳事迹漢時諸子道書之  
流有三十七家大旨皆去健美處冲虛而已  
無上天官符籙之事其皇帝四篇老子二篇  
最得深旨陶弘景者隱於句容好陰陽五行  
風角星算脩辟穀導引之法受道經符籙武  
帝素與之遊及禪代之際弘景取圖讖之文  
合成景梁字以獻之由是恩遇甚厚又  
真隱訣以證古有神仙之事帝以爲然敬之  
尤甚然武帝弱年好事先受道法及卽位猶  
數上章朝士受道者衆三吳及邊海之際信  
之踰甚陳武世居吳興故亦奉焉後魏之世  
嵩山道士寇謙之自云嘗遇真人成公興後  
遇太上老君授謙之爲天師而又賜之雲中  
音誦科誡二十卷又使玉女授其服氣導引  
之法遂得辟穀氣盛體輕顏色鮮麗弟子二  
十餘人皆得其術其後又遇神人李譜云是



老君玄孫授其圖籙真經効召百神曰此書  
開闢以來不傳於世今運數當出汝宜修之  
佐國扶命以化衆生最後太上復降賜以新  
科符籙六十餘卷及銷鍊金丹雲英八石玉  
漿之法太武始光之初奉其書而獻之帝使  
謂者奉玉帛牲牢祀嵩嶽迎致其餘弟子於  
代都東南起壇宇給道士百二十人顯揚其  
法宣布天下太武親備法駕而受符籙焉自  
是道業太行每帝即位必受符籙以爲慶之  
刻天尊及諸仙之象而供養焉遷洛已後置  
道場於南郊之旁方二百丈正月十月之十  
五日竝有道士等人百六人拜而祠焉後齊  
武帝遷鄴遂罷之文襄之世更置館宇選其  
精志者使居焉後周承魏崇奉道法每帝受  
籙如魏之舊尋與佛法俱滅開皇初又興高  
宗雅信佛法於道士蔑如也大業中道士以  
術進者甚衆其所講經論以老子爲本次講  
莊子及靈寶昇玄之屬其餘衆經或言傳之



神人篇卷非一自云天尊姓樂名靜信例皆  
淺俗故世甚疑之其術業優者行諸符禁往  
往神驗而金丹玉液長生之事歷代糜費不  
可勝紀竟無效焉右隋志敘道家源委廢興  
備悉因節錄之所敘止於隋世其後復熾於  
唐之開元宋之宣和至金大定而全真教出  
又一變矣

馬端臨經籍考曰道家之術雜而多端蓋清淨  
一說也煉養一說也服食又一說也符籙又  
一說也經典科教又一說也黃帝老子列禦  
寇莊周之書所言者清淨無爲而已而略及  
煉養之事服食以下所不道也至赤松子魏  
伯陽之徒則言煉養而不言清淨盧生李少  
君樂大之徒則言服食而不言煉養張道陵  
寇謙之之徒則言符籙而俱不言煉養服食  
至杜光庭而下以及近世黃冠師之徒則專  
言經典科教所謂符籙者特其教中一事於  
是不惟清淨無爲之說略不能知其旨趣雖



所謂煉養服食之書亦未嘗過而問焉矣然  
俱欲冒以老氏爲之宗主而行其教蓋嘗卽  
是數說者而詳其是非如清淨無爲之言曹  
相國李文靖師其意而不擾則足以致治何  
晏王衍樂其誕而自肆則足以致亂蓋得失  
相半者也煉養之說歐陽文忠公嘗刪正黃  
庭朱文公嘗稱參同契二公大儒攘斥異端  
不遺餘力獨不以其說爲非山林獨善之士  
以此養生全年固未嘗得罪於名教也至  
經典科教之說盡鄙淺之言蓋黃冠以此逐  
食常欲與釋子抗衡而其說較釋氏不能三  
之一爲世患蠹未爲甚鉅也獨服食符籙二  
家其說本邪僻謬悠而惑之者惟禍不淺樂  
大李少君于吉張津之徒以此殺其身柳泌  
趙歸真之徒以此禍人而卒自嬰其戮張角  
孫恩呂用之之徒遂以此敗人天下國家然  
則柱史五千言曷嘗有異乎蓋愈遠而愈失  
其真矣右馬端臨論道家本支得失最爲精



當其唐以後術業之變足補隋志所未備因并錄之南宋而後更采集諸說并詳著其人於左方

青巖叢錄云今鍊養服食其術具在而全真之教兼而用之全真之名昉於金世有南北二宗之分南宗先性北宗先命近時又有真大道教有七祖康禪之教其說又自相乖異至於符籙科教具有其書正一之家實掌其業而今正一又有天師宗分掌南北教事而

南龍虎閣阜茅山三宗符籙又各不同先儒有云道家之說雜而多端其信然矣

按叢錄以全真之教昉於金世有南北二宗之分似未詳考蓋南北二宗之分實自宋度南後而皆始於呂崑崙得道鍾離權權得之東華少陽君南宗自岩授劉海蟾操操授張紫陽伯端伯端授石翠玄泰泰授薛紫賢道光道光授陳泥丸楠楠授白海瓊玉蟾玉蟾授彭鶴林耜此所謂南宗也北宗自崑傳王重



陽哲哲傳馬丹陽鉦及妻孫不二鉦傳譚長  
真處端劉長生處玄丘長春處機此所謂北  
宗也全真之名始自王重陽今猶有祖其名  
號者然處機之後寂然矣紫陽下撰述多傳  
於世近亦寥寥當國初顯迹有鐵冠周顛  
冷謙張三丰等大率非由學而致也

王司寇跋王重陽碑云重陽名哲初業儒不成  
去業武不就偶以遇異人得度遂爲全真  
祖張大其說而行之者皆其徒丘處機

其說頗類禪而稍虛獨可以破膠金石事鈴  
汞之誤人與符籙之惟誕而其徒不盡爾也  
重陽所爲說未嘗引鍾呂而元世以正陽純  
陽追稱之蓋亦處機意所謂張大其說而行  
之者重陽得無師智似六祖其懸記似誌公  
顯迹又似萬回異哉按長公說則北宗不重  
服食蓋專主煉養而南宗則兼主二家者也  
符籙之說自寇謙之陶弘景後唐則明崇儼葉  
法善翟乾祐五代則譚紫霄宋則薩守堅王



文卿等而林靈素最顯科醮之說始自杜光  
庭宋世尤重其教朝廷以至閭巷所在盛行  
南度白玉蟾輩亦嘗爲人奏章今二業皆無  
顯著者獨龍虎山張真人尚世襲封爵云道  
陵世次詳見仙鑑中不備錄錄其入本朝  
者漢第一代天師張道陵爲玄教宗繼張魯  
三國時據漢中其子盛魏封都亭侯復還龍  
虎山升壇授籙傳及五季代稱先生若貞靜  
虛白葆真虛靜之屬而玄教日崇至宋有正  
應先生守真觀妙等歷宋而元賜以冲和真  
人之號傳至正常爲四十二代卽國初天師  
也六觀京師世領教事

高皇帝以至尊者天天豈有師遂易號稱大真  
人秩正二品後又賜以大品銅印文曰龍虎  
山正一玄壇英宗易以金印  
孝廟易以玉印自漢迄今凡一千四百餘年相  
傳五十代蓋釋門所未有也隆慶間坐論罷  
封今復舊



高皇帝之易天師號爲真人可謂一洗萬古陋習矣

宋三朝國史志曰班志藝文道家之外復列神仙在方技中東漢後道教始著而真仙經誥別出焉唐開元中列其書爲藏目曰三洞瓊綱總三千七百四十四卷厥後亂離或至亡缺宋朝再遣官校定事具道釋志嘗求其書得七千餘卷命徐鉉等讎校去其重複者得三千七百三十七卷大中祥符中命王欽若

依詔舊目刊補洞真部六百二十卷洞元部一千一十三卷洞神部一百七十二卷太真部一千四百七卷太平部一百九十二卷太清部五百七十六卷正一部三百七十卷合爲新錄凡四千三百五十九卷又撰篇目上獻賜名曰寶文統錄祥符中張君房所集道書凡四千五百六十五卷崇觀間又增至五千三百八十七卷君房撮其精要爲雲笈七籤百二十卷宋鄧自和撰大藏書目大洞真



部八十一帙、靈寶洞玄部九十帙、太上洞神部三十帙、太真部九十六帙、太平部一十六帙、正一部三十九帙、凡六部三百一十一帙、右宋世道藏卷數帙數載、文獻通考中與今藏卷帙微異、因并錄之、

馬端臨曰仁義禮法者聖賢之說也、老氏以爲不足爲而主於清淨清淨無爲者老氏之說也、佛氏以爲不足爲而主於寂滅、蓋清淨者求以超出乎仁義禮法而寂滅者又求以超出乎清淨無爲者也、然曰寂滅而已則不足以垂世立教、於是緣業之說因果之說六根六塵四大十二緣生之說、層見疊出、宏遠微妙、然推其所自、實本老子高虛玄妙之旨、增而高之、鑿而深之、遂自成一家之言、而後來之道經、反從而依倣之、然較其詞采、則鄙劣彌甚者、蓋瞿曇設教最久、囑付其徒亦甚至又能鼓舞天下之文人才士、以羽翼之、推原其旨意之所從來、而潤色其辭語之所未備、



故其爲書博、大、奇、偉，不可以淺窺。若老子則其初固未嘗欲以道德五千言設教也。羽人方士借其名以自重，而實不能知其說。於是就佛經脚跟竊其緒餘，作諸經懺，而復無羽翼潤色之者，故無足觀。蓋佛襲老之精微，泝而上之，其說愈精微；道襲佛之麤淺，沿而下之，其說愈麤淺矣。右說見文獻通考評二家互相依襲得失之致，允矣。因錄之。

晁氏曰：序九流者以謂皆出於先王之官，各有所長及失其傳，故各有弊。非道本然，特學者之過也。故竝錄之。又有醫卜技藝，亦先王之所不廢，故附於九流之末。夫儒墨名法先王之教，醫卜技藝先王之政，其相附近也固宜。昔劉歆既錄神仙之書，而王儉又錄釋氏。今且亦循之者，何哉？自漢以後，九流浸微，隋唐之間，又尚辭章，不復聞義理之實。雖以儒自名者，亦不知何等爲儒術矣。况其次者哉？百家壅底，正塗之弊，雖息而神仙服食之說盛。



釋氏因果之教興雜然與儒者抗衡而意常  
先之君子雖有取焉而學之者不爲其所誤  
者鮮矣則爲患又甚於漢蓋彼八家皆有補  
於時而此二教皆無意於世也八家本出於  
聖人有補於時特學者失之而莊老猶足以  
亡晉申商猶足以滅秦况二教無意於世不  
自附於聖人若學而又失之則其禍將如何  
故存之以爲世戒云

右宋晁公武之論載馬端臨經籍考仙釋類末  
蓋後世神仙之說雖原本道家實與道家異  
至於服食章醮而老子之道亡也久矣

筆叢

壬部

玉壺遐覽一

以室山房

筆叢壬部

玉壺遐覽一

十四

終



至外類食章類而朱子之書寸出八矣  
蓋益世無所不備而朱子之書寸出八矣  
自附於聖人若學而又失之則其禍將如何  
聖人有補於時特學者失之則非聖道猶足  
於斯而此二教皆無意於世也八家本出於  
存者中商猶足以感於世也二教無意於世不  
自附於聖人若學而又失之則其禍將如何  
至外類食章類而朱子之書寸出八矣

筆叢

壬部 玉壺遐覽二

東越 胡應麟 明瑞 著

新都 江湛然 清臣 輯

澱水 趙鳳城 文鎮 校

宛委餘編所錄古帝王賢哲沒為明神及生有  
所自者暇讀二典洎雜史小說家言復得若  
千條輒以弇州遺意補錄於左謬悠荒忽之  
譚誠達者所不道而弔詭之士不可不知也



盤古氏元始天尊應世也以一萬八千年為一

甲子

見真元賦

一云老君中三皇時化身號盤古

先生

真仙通鑑

祝融氏為火帝君南岳

史路

五龍氏乘雲登仙

見荒

史及水經

太昊伏羲氏應聲大士化身也

見藏經及厄言

一云寶

歷菩薩下生世間是曰伏羲

造天地經

女媧氏吉祥菩薩下生也

造天地經

伏羲女弟曰女

媧一曰女希

史路

補天斷鰲

淮南

顯迹唐世

西陽雜俎

炎帝神農氏為北太帝君主天下鬼神

西陽雜俎

黃帝有熊氏得道上昇為太乙君

仙鑑

其神為軒

轅之宿

史荒

子玄囂為北方水神次子昌意得

道居弱水又禺彊亦居北方為水神黃帝裔

也

山海經

帝堯陶唐氏長女娥皇為湘君次女英為湘夫

人 楚詞

帝舜有虞氏得道居九疑山

太平廣記載帝舜以道德三經及詩

景靈經婦女真王妙想於九疑之山



大禹先得道壽三百六十歲為九凝飛仙堯時

治水後復為神曰神禹禹子夏后啓為東明

公珥蛇乘龍上三嬪於天見山海經及仙鑑

商高宗相傳說為列星

周文王為西明公周文公為北帝師周召公為

南明公季札為北明公西陽雜俎及真誥等書

孔子為水精子繼周為素王緯書一曰元宮上仙

西陽雜俎一曰太極上真公治九疑山一曰廣桑

山真君太平廣記一曰儒童菩薩下生世間造天

一曰淨光童子化身顏子為月明儒童俱清淨法

行一曰明時晨侍郎後為三天司直已見厄言後夏

馥亦為明晨侍郎見仙鑑一曰與卜商皆脩文郎見太平廣記後

樂子長亦為此官見仙鑑仲由在唐為韓滉太平廣記施存在

漢為壺公施存亦仲尼門人事見真誥及厄言然術覽兩引壺公姓謝名元未

知孰是

釋迦為三十三天仙延賓宮主西陽雜俎又為忍辱

仙人一曰老君乘日精入淨妙夫人孕為釋

迦見化胡經一曰關喜乘白象入摩耶夫人胎為

水部

筆叢士部 玉壺遐覽二

三



釋迦道經

道家稱老子化身名號尤衆叅會衆說而備錄  
 於後老子初三皇時化身號萬法天師中三  
 皇時化身號盤古先生亦曰有古大先生後  
 天皇伏羲時化身號鬱華子地皇神農時化  
 身號大成子人皇軒轅帝時化身號廣成子  
 少皞時化身號隨應子顓帝時號赤精子帝  
 嚳時號錄圖子堯帝時號務成子帝舜時號  
 尹壽子夏禹時號真行子商湯時號錫則子

文王時號燮邑子武王時號育成子成王時  
 號經成子周王時號郭叔子漢時為河上公  
 右見真仙道鑑及道經一云老子三皇時  
 為玄中法師下三皇時為金闕帝君伏羲時  
 為鬱華子神農時為九靈老子祝融時為廣  
 壽子黃帝時為廣成子顓項時為赤精子帝  
 嚳時為祿圖子堯時為務成子舜時為尹壽  
 子夏禹時為真行子殷湯時為錫則子文王  
 時為文邑先生一云守藏史或云在越為范



蠡在齊為鴟夷子在吳為陶朱公右雜見太  
 平廣記抱朴子等與前說稍不同又造天地  
 經云摩訶迦葉往為老子清淨法行經亦云  
 老子名耳字伯陽一名雅字伯宗一名志字伯  
 光一名石字孟公一名重字子文一名定字  
 元陽一名元字伯始一名顯字元生一名德  
 字伯丈玄妙篇云初生時名玄錄周武王時為守藏史遷  
 柱下史至第五帝昭王二十三年過函谷關  
 度關令尹喜後二十五年降於蜀青羊肆會

尹喜同度流沙胡域至穆王時復還中夏第  
 十四帝平王時復出關開化蘇鄰諸國復還  
 中夏二十七帝敬王十七年戊戌孔子問道  
 於老君迺有猶龍之歎第三十五帝烈王二  
 年丁未過秦秦獻公問以歷數遂出散關至  
 顯王八年庚申東遷至第三十八帝赧王九  
 年乙卯復出散關飛昇崑崙據此則過函關  
 與出散關自是二事老尹喜傳悉同蓋過函  
 關乃傳道尹喜出散關乃化服胡王過函關



者僅一而出散關者三然過函關見史記其  
說要為有徵出散關事漢前羣籍無載者必  
後世道流增益之以求勝釋門耳世多混二  
事為一詩家尤易混淆故詳錄之以備參考  
老君母玄妙至女亦尹氏化胡經稱老子投  
淨妙夫人體為釋迦則玄妙淨妙皆老子母  
也

厄言所錄鬼神仙逸名姓未盡者補列下方浮  
屠氏可考者別見

天翁姓張名堅一姓劉後為太山太守雜太乙

君名臘天秩萬二千石河伯姓呂名夷一日

冰夷一日馮遲一日馮修一日無夷竈神名

壤子俱見諾臯記已入厄言者不錄

匡君名續字君平一字子孝又字公季又有匡俗字子

希非匡君

大茅君名盈字叔申中茅君名固字季偉與後漢茅

容字同

小茅君名衷字思和衷一作震茅君祖名濛字



初成武夷君。姓王名子騫。一說云魏王名子

騫。未詳孰是。又曰彭祖氏二子長曰武次曰

夷。合為武夷君。一曰道君第七弟子名屬仁

沿武夷山名控鶴仙人

並見仙鑑

尹喜字公文。蕭史行第三孝弟。明王名弘康。字

伯中。洪崖先生。即黃帝臣伶倫。涓子名蜀梁

一作濁梁。方回一作雷鬼谷子。姓王名詡。一

名利。一號玄微子。東方朔一姓金吳剛。字質

一作翌。並見名疑赤將子與。姓蔣曰蔣先生。紫陽

真人。姓周名義山。婉盆子。姓施名存。即壺公見真誥

羨門子。一曰衍門。司馬季主。男名法育。女名

濟華。竝仙淳于叔通。一名斟。字叔顯。玉子。姓

章名震于吉。一名室梓童。神姓張名亞子。灌

口二郎。姓李。見朱子語類末白鹿先生。姓李名元洪

崖子。姓張名蘊。字藏真。蜀才。姓范名長生。李

少君。字雲翼。戴孟本。姓燕名濟。字仲微。改姓

名字成子。帛舉。字子高。唐公昉。一名房。李八

百名脫。日行八百里。又問其年曰。八百歲。故名。八百仙鑑云。不知其名。此見廣記



仙類

何紫霄字仙良一云姓鄧清平吉姓衛名平許  
劇字道翔小名玉斧李含光本姓弘蘭公名  
期許真君僕許大改姓午復改姓于終南處  
士姓王名守一鍾離權改名覺字寂道一字  
雲房號和谷子一曰號雲房呂洞賓本名紹  
先洞賓弟子盧生名英名疑藥王姓韋名古麒  
麟客姓玉名瓊韓湘字清夫一字伯渚作北渚非  
李珪後改名寬張志和本名龜齡侯道華上昇

太上賜姓李名內芝混成子姓劉名玄和殷

七七名文祥又名道全名疑作荃羅公遠一名思

遠默希子姓徐名靈府廣成先生姓劉名元

靖東瀛子姓杜名光庭亦號廣成

神和子姓屈突名無為字無不為薩真人名守

堅海蟾子姓劉名操字宗成徐神翁名守信

重陽子姓王名哲本名中孚海瑯子姓白名

玉蟾羅赤腳名宴

女仙姓名卮言所未錄者及小有異同者



西王母姓楊一曰緱氏一曰侯氏一曰焉氏名  
回一曰婉妗第三女曰碧霞元君本居西嶽  
今爲泰山神聖母第四女名林字容真號南  
極夫人又紫玄夫人王母第十三女名媚蘭  
號雲林夫人第二十女名玉清號紫微夫人  
一云名青娥字愈意第二十三女名瑤一云  
名瑤姬號雲華夫人

太平廣記有傳云居巫山今詩家所謂神女也

王母小女名琬字羅敷號太真夫人亦曰東嶽夫人上元夫人名阿環

見太平廣記漢武內傳荅王母書中名

謂侍女名阿環恐有訛誤

靈照夫人李氏老君之姑中侯夫人王氏子喬之妹嫦娥字純狐一曰鬱儀竈神蘇吉利妻王氏名博頰一曰竈君夫人姓王字卿忌女六人皆名蔡河伯夫人亦曰姓馮名夷織女星侍兒姓梁名玉清太白上公妻名女媧陽翟夫人姓塗山卽啓母也少室山少姨卽塗山妹姓同太玄仙女姓西靈名子都  
見司馬季主傳  
玄妙玉女姓尹氏老君母也一曰無上元君九



華安妃上真元君女也名鬱賓字靈蕭南嶽夫人姓魏名華存字賢安號紫虛元君盱母姓許氏盱烈之母也

左華九成夫人姓范名定英右嬪元姬姓趙名約羅北寒玉女姓宋名聯娟東華玉女姓燕名景珠林云玉女姓賈名屈庭飛玄玉女姓鮮名子華毛女名玉姜一云魚氏姊妹二人

一名道超一名道遠秦時隱武夷山

扈言止引前說

蓋列女傳所載隱華陰山者後說出仙鑑以所隱地生毛竹故名爲毛女

女几姓陳氏麻姑姓王氏卽方平之妹

見仙鑑與神仙

傳王方平降蔡經家所述小異又宋寧宗勅封麻姑虛寂冲應真人是女仙亦有真人之號也東華玉妃姓淳名文期見仙鑑女真張微子傳卽青童帝君也劉仙姑名懿靖玄天二女一名旋波一名

捉淡捉淡又名瑤光洛神宓妃也一曰伏羲

女太玄女姓顓頊名和智瓊神女姓成公萼

綠華姓楊一曰羅氏名郁明香元君李氏名真多卽人

百樊夫人劉綱之妻名雲翹妹爲裴航妻名

雲英東陵聖母姓杜廣記仙鑑等俱作適杜氏譙母許真



君師名嬰

一云  
櫻

花姑姓王名靈微何仙姑姓趙名何一名和

疑名

武真人名元照

見夷  
堅志

清真左夫人姓郭名雲

蓋右夫人姓楊名玉華許穆夫人陶成女名

科斗馬銍妻孫氏名不二彭耜妻潘氏名蓋

珠右雜見廣記御覽真誥仙鑑等 國朝曇

陽子王氏名燾真

外謝自然等名姓顯然者  
及各姓不及攷者俱不錄

仙道姓名有特異者類此條

乞食公者五岳真人馮延壽也見列仙傳

子下胡浮先生姓施名存一號婉盆子卽壺

公也見真誥東方朔本姓張氏父名夷字少

平一曰姓金氏

見名  
疑

朔母田氏生朔三日母亡鄰母拾得之時東方

始明故姓名曰東方朔

太平廣記

侯道華將飛昇老君遣真人韓衆下迎賜姓李

名內芝審爾則仙家亦賜姓若帝王之爲者

奇事也

王梵志不知名字王德和者見林禽樹有瘦大



如斗破之中得小兒養至七歲能言自名曰

林木梵天姓王氏後改名見廣記又羅公遠被殺後易

姓名為維山還本舊名姓而去首也

宋世有木先生名廣莫宣和帝以其道得林靈

素之半故易姓曰木本姓雍仙鑑

白玉蟾本姓葛除去草頭以謝天地父母除去

勾曲以謝兄弟妻子以中曰字加撇為姓江湖

紀

王害風王重陽蹤跡詭異若病風者人以名之

本傳

呂純陽幼名昌虛中回道人呂元圭守谷客無心昌老無上宮主同客人

漢武外傳女仙名有石公子范成君

仙鑑有稱號詭異而率莫知其姓名者或得姓

不得名者他非此類者不錄

倒景君無常先生並漢武傳無為子仙鑑黃帝傳中偃松

子名疑了然子名疑赤須子秦穆公主魚吏祝雞翁山

圖溪父修羊公騎龍鳴稷丘君

服閭子龍威丈人犢子以上並列仙傳飛黃子



仙 谷希子 毓陽子 見姜伯真傳 白羊公 長上

公 長桑公子 上黃先生 以上並列仙傳 慧車子

淳于斟傳 負局先生 仙鑑 几八兄 廣記 騾鞭客 見玄無

英君 周義山傳 掩耳道士 常掩耳走故名 上帝戲臣 長五尺濶

三尺雜俎 婆婆寐 唐太宗時人見胡氏管見 偃月子 仙鑑 陰隱客

太平廣記 落鬼仙 柳條青 仙鑑 吉留馨 感庭秋

二人俱無姓名一唱吉留馨一唱感庭秋故名 劉無名 劉平阿 仙鑑

趙聖人 彭釘筋 三人俱見廣記言事中也 天自在 無姓名常

談天也見廣記 三朵花 頭常戴花三朵見蘇子瞻詩註 灰袋 費雞

師 葫蘆生 並見雜俎 僕僕先生 自言姓僕名僕因目為僕僕先

生見廣記 模先生 無姓名人有疾以手摸之輒愈號模先生 陳花子 常賣

花於市並見真仙通鑑 何蓑衣 欽道僧 二人俱見程

衣一似僧又似道而狀故各以為號 混沌道士 仙鑑 趙麻衣 趙

縮手 行則縮兩手於曾前見仙鑑 國朝有鐵冠道人

周顛仙 郎瑛云鐵冠姓張名景和并識此侯考

仙傳所載有名流人所共悉而不名其得仙者

漫爾筆之其荒誕不必深論其昭灼口耳若

東方曼倩李長源輩亦不錄其有沒而為神



者類別則中

王倪得道長生至堯舜時務光自沈復見商武  
丁世太公望棺中止玉鈴六篇范蠡易號陶  
朱後復之蘭陵賣藥得仙於北邙山墨翟遇  
仙長生漢武世尚存介子推逃晉後賣扇東  
海邊楚狂接輿在蜀峨眉山東園公唐時尚  
存命洪崖合神丹角里先生得道為華子期  
師司馬季主并男女皆得道居委羽山漢武  
帝得道尸解以棺中箱杖鬻市人韓崇入大

霍山尸解馮良奕世居鹿跡洞中郎宗服胡

麻得道居華山張魯辭侯爵白日乘龍昇天

夏馥從赤須先生得道龍伯高從刁道林受

道得仙

仙鑑龍述是也

姚俊為北海司命劉翊為右

理司監劉寬遇青谷先生授杖解法得仙樂

巴自殺乘風入林慮山中李少君誅後人見

之東海上

自漢武而下其人並見漢書而不云得仙

樊英滅蜀中

火災

後漢書載此然同時郭憲樂巴亦然恐有訛者

邳鑿得道居名

山唐時尚存

有段碧者見之見太平廣記中

姚泓失國入山



得道遍體生長毛

亦見廣記仙鑑

蕭子雲師杜元老授職為元洲長史八十二口

洞仙徐之才以陰功得道

見女徐仙姑傳

李衛公大

曆尚存

廣記仙類

馬周為素靈宮仙官謫降李紳姓名預載仙籙

中

同上

顏真卿歸葬惟空棺賈耽以神解稱異人吳道

元躍入畫中盧鈞吞金丹得道王獻卒後人

見之成都陳陶夫婦竝得仙姚平仲騎青驄

入終南蘇養直遇羅浮黃真人羽化

以上雜見御覽

廣記仙鑑西陽夷堅等書外  
虛祀李林甫等削不載

女仙則鈎弋夫人改葬棺中惟絲履一雙

見廣記與

史傳  
互異

王衍女進賢為愍懷太子妃并婢六出遭掠赴

水遇韓西華救度竝得仙韓太華乃韓安國

妹李廣利妻竇武妹瓊英黃瓊女景華竝得

道居易遷宮

以上竝見真誥

唐玄宗三女玉真大公主次公主幼真一公主



竝從胡天師慧超得仙見仙鑑胡慧超傳王真長公主即張果傳  
欲降為果妻者也

右皆正史不載而雜見傳記者他如魏太武為

太平真君見寇謙之傳中唐玄宗為太陽朱宮仙人

楊貴妃為太上侍女見楊通幽傳中唐憲宗為海島

仙人見伊祁玄覽傳宋徽宗為東華帝君徽宗后為

紫虛真君見林靈素傳中此類皆方士幻惑之說視

諸楚史傳聞又不侔故略之

道經所載玄天五城之上僊聖階秩高下森如

信若所言其蒞事舉職勞不啻於人間王元

澤所謂千歲何益白石先生寧為地仙不樂

飛昇有以也顧其說不可具聞其名號時時

散見諸傳記中暇讀大洞諸經外旁及稚川

貞白及唐宋小說家言得名號可紀者數十

百餘彙為一若世有好譚天若鄒衍田駢輩

將挈以贈焉其無名氏若中黃丈人天真皇人及非有爵位之稱者俱不錄

太極真人赤松子見三洞珠囊又杜冲又淮南王又西梁子文見周義山傳徐來勤見荀玄傳

無上真人并喜見太平廣記諸仙傳下同太和真人并軌及由世遠又王君

以室山房 筆叢王部 王壺遐覽二 十六



清虛真人 王褒又小有真人亦褒

大羅真人 葛玄為大羅前身

桐栢真人 王子喬又李奉仙

青蓋真人 高世韓

少室真人 劉千壽

太元真人 茅盈

太清真人 彭清宋倫

太微真人 尹澄

秦隴真人 用亮以下並仙鑑

靖明真人 匡續

西城真人 王方平

司命真人 路大安

句曲真人 茅固

玄洲真人 姚坦

中岳真人 高丘子王仲甫王玄甫蘇林

西岳真人 馮長

小有真人 王瓊見玄怪錄麒麟客傳

紫府真人 韓琦見宛委餘編

大梁真人 魏顯仁

○冢真人 王道寧

岷山真人 陰友宗

陸渾真人 郭幼度

崇山真人 范伯華

鬱絕真人 裴玄仁以上並見真仙通鑑

清逸真人 李白見宛委餘編

華陽真人 王玄甫見仙鑑

太虛真人 赤松子見魏夫人傳

九疑真人 韓偉遠見御覽引三洞珠囊

清寧真人 裴玄仁見三洞珠囊

紫陽真人 周義山張伯端

玄一真人 范伯慈以下並見仙鑑

九皇真人 張伯端

黃庭真人 王探

東極真人 王太虛

南岳真人 陳子微

潛山真人 鮑靚兼領



上清真人 司馬承禎見謝自然傳又李少君趙伯元張仲逸並見仙鑑又許謚見御覽

五嶽真人 馮延壽見列仙宋來子傳 青城真人 洪崖先生見仙鑑本傳

南極大明公 匡續 太極右仙公 葛玄

太極左仙公 谷希子 上清仙公 許謔又捐子為北海公見御覽

蓬萊右仙公 負保安 九玄左仙公 封瑋

玉真上公 崔子文 紫陽左仙公 石路成見王丹傳

九疑山侯 張上貴 岱宗神侯 鮑元節又陶侃為西河侯厄言

太極仙侯 張奉見御覽 水府仙官 郭璞

東源伯 張石生見仙鑑下竝同 少室仙伯 王遠知又吳涵虛

華山仙伯 秦叔隱 青城仙伯 洪崖子見弇州文集

潛山真伯 趙祖陽見仙鑑 海伯 屈原見厄言

蓬萊大仙伯 茅盈見仙傳拾遺五真記 監海伯 溫嶠見厄言

太極高仙伯 延蓋公見王母傳 八元仙伯 柯元首見御覽

嵩山伯 陶弘景見廣記某傳中 理禁伯 張玄宿又赤松子為昆林仙伯

太極左仙卿 王觀子葉法善 太極上卿 馬成子

中元仙卿 羨明子 玄洲上卿 尹喜

西岳仙卿 李翼 上清左卿 許歲已上並見仙鑑

東岳上卿 茅盈見神仙傳 玄真大卿 瑕丘仲見仙鑑



太極仙卿

墨翟見厄言

蓬萊左卿

葉叔茂見仙鑑

太清左卿

黃觀子見御覽

東府左卿

白石生同上

東華上佐

楊義見仙鑑

陽晨大夫

石叔門見御覽

英文臺侍郎

金可記見仙傳拾遺

昆丘侍郎

鮑靚見廣記

九華侍郎

馬成子見仙鑑下同

明晨侍郎

夏馥又周暢見數

玉華侍郎

方某及莫某三人見夷堅志

碧落侍郎

沈義見仙鑑周爰支傳

門下侍中

張良又劉楨徐幹王粲並見厄言又王道真為尚書令王嘉徐庶何晏

侍郎

裴浩俱

太極韋編郎

莊周見酉陽雜俎

左玄執蓋郎

封璋見御覽

玉臺執蓋郎

郭四朝又茅衷見封璋傳

太上侍經仙郎

王思真見仙鑑

仙臺郎

侯道華見黃記

修文郎

樂子長卜子夏顏淵蔡邕見厄言

典柄執法郎

淳于叔通見御覽

都禁郎

賈誼見厄言又李昞期為王晨元郎

比天修門郎

紀瞻虞譚同見厄言

執蓋郎

虞和見厄言又正一上元郎王忠

左理中監

韓崇見仙鑑下同

右理中監

劉勳

童初監

范幼安

東華上清監

李白

碧虛上監

董奉

蓬萊都水監

桓闔

左副監

謝鯤見厄言又張叔隱為右仙鑑



太陽都錄大監

魏徵亦見  
危言

蓬萊仙監

陶弘景危言  
蓬萊都水大監

丘監

王弼見宛委餘  
編

保命丞

茅衷見仙鑑  
下同

三官保命司

茅衷又樂長  
治為保命丞

南岳司命

李奉仙

九宮右司保

展土公見  
列仙傳

都錄司命

郭璞見危  
言下同

鬼官司命

周頤又姚俊  
為北河司命

岷峨主司

杜光庭見  
仙傳拾遺

地下曹司

沈文通見  
仙鑑下同

送迎使者

徐福見沈  
義傳

繡衣使者

孟六奇又冷廣  
子期竝見御覽

地下主者

鮑靚見神  
仙傳

太清宮主者

虞善翔見  
仙鑑下同

南門亭長

鄒鑿見危  
言下同

北斗天門亭長

沈文  
通

北極判官

鄒宿見仙  
鑑

泰山司馬

賈誼見危  
言下同

雷部掌事

劉景文

紫府押衙

蘇軾

太玄博士

莊周見危  
言

蓮花博士

楊廷秀見  
詩人王屑

玄洲長史

蕭子雲見仙鑑又杜預蔡謨俱為  
長史見宛委餘編又管條條為左

官御史  
見御覽

神霄散吏

林靈素見  
本傳

文星典吏

杜甫見危  
言

高明大使

許遜見本傳又  
為九天遊奕使

中央鬼帝

稽康見危  
言下同

北方鬼帝

楊雄又張  
衡

閻浮提王

寇準蔡襄

水經山房

筆叢壬部

玉壺遐覽二

二十



遮須國王 曹植

五方天帝君 簡肅正見 魏夫人傳

東華青童君 景林真 同上

葉君 王喬見後漢書

王屋山君 龐籍見厄言

蓬萊長生主 白樂天 見仙鑑

華陽洞主 東方朔見 厄言

靈芝館仙官 王安國見 侯鯖錄

素靈宮仙官 馬周見 廣記

赤龍神王 伊用昌見 仙鑑

西極總真君 王遠見御覽傳授部

唐世君 司馬生見沈義傳

東海青童君 延陵賜見 漢武內傳

方丈宮主 九源丈人 見列仙傳

海山院主 白樂天見 廣記

芙蓉城主 石漫卿亦 見厄言

太上仙官 東方朔見 王母傳

六押大都統 馬總杜 佑

三天大法師 馬成子並 見厄言

太乙師 鬼谷子見厄言

大乙仙人 王向見仙鑑

墜地仙人 同上

柏樹仙童 許遜見本傳

赤脚大仙 宋仁宗見 野史

謫仙人 李白見本集又賈耽見廣記仙類

東海蟾精 徐知常見 林靈素傳

混沌初分白蝙蝠精 張果

泰山老師 崔曙見酉陽雜俎

恒嶽仙人 田吾道榮 見仙鑑下同

控鶴仙人 武夷君傳 及山志

林屋仙人 王瑋玄見 仙鑑下同

九華大仙 田先生見 廣記

斥仙人 項蔓都見仙鑑

歲星精 東方朔見傳



凡稱先生者、率當時及後世尊稱、稱子者率自稱、故皆不錄、凡真人係世主所封者不錄、凡厄言所列有官號而無職司者不錄、錄其當時受封號於太上者、或前身爲某仙官者、許旌陽得道贈遠祖由玉虛僕射曾祖琰太微兵衛大夫先祖玉太極祀業錄籍典者父蕭中嶽仙官賜所居宅曰仙曹左府右皆天帝所令、今人但知旌陽拔宅事、不知許武仲述堯後復有此贈、未審天上玉虛僕射較地九州長何似耳

許旌陽拔宅昇天後、齊有張司空名品、遇葛稚川飲仙酒、舉族八十二口、白日上昇、許惟一僕并妻爲地仙、張亦遺一女使盧瓊爲土地、道家好傳會、乃爾又蕭子雲八十口同居洞中、尤奇僻也

太真科曰、玉皇諸錄有百八道、君羣仙隨業以補其職、三善道者聖真仙也、上品曰聖、中品曰真、下品曰仙、三清之間各有正位、聖登玉



清真登上清、仙登太清、玉清有大省、宮殿、皇帝、王公、卿大夫、吏民、率以聖呼之。如聖、皇、聖帝之類是也。男女貴賤各有次第。上清有玄都、玉京、七寶、紫微、率以真呼之。太清有太極宮殿、率以仙呼之。其上清、太清、品位列男女次第之統數、與玉清同。麟按公卿大夫皆三代以還品秩、唐虞尚未聞、然則無始之前、羣仙位號、究竟何稱乎。卽以此稱、果出三代則人間仰法天上乎、抑天上下效人間乎。凡此書可笑類如此。昔人以赤明、龍漢及詩詞體格逐代更變爲疑、不知茲類之荒唐有彌甚者、漫舉例之。

登真隱訣曰：三清九宮並有僚屬。例左勝於右，其高等稱曰道君，次真人，真公，真卿。中有御史、玉郎、諸小號，官位甚多也。女真則稱元君、夫人、仙之大小，男女皆取治，所以爲著號外。又有仙伯、仙丞、仙監、仙郎等，右所列御史丞、監、諸郎屬，又漢魏以下官稱矣。



夫人山之大小民之昔與今以爲善與水  
曳王腹諸小艱官於其委曲女真回解去  
其高華解曰豈非穴真人真公真眼中有  
登真觀者曰三書式宮並有謝靈國式觀外  
昔數舉國之  
林源升曳變爲錢不賦茲錢之業書亦融其  
書何笑醜收北昔人以赤也請莫又若請

筆叢

玉部 玉壺遐覽三

東越 胡應麟 明瑞 著

新都 江湛然 清臣 輯

澱水 趙鳳城 文鎮 校

神仙家名號相類者最易混淆赤松子本黃帝  
時雨師吾邑皇初平得道後慕古赤松因易  
此名世遂以初平爲赤松子劉孝標博洽冠  
世亦以金華赤松子爲雨師蓋止據列仙傳



言之而神仙傳或未覩也葛稚川當晉過江  
時與孝標相去不遠唐前書無刻本所纂神  
仙傳或未行於時故孝標未及覩之又唐張  
盪得仙慕古洪崖因自號洪崖子神仙通鑑  
遂以爲古洪崖姓張考洪崖傳稱堯帝時已  
三千歲然則唐虞以前安得後世之姓耶此  
二事絕類可發一笑端

又初平兄初起後亦改名魯般蓋兄弟皆襲古  
神仙名魯般世知其匠巧而不知亦得仙者

見神仙通鑑妙思通靈故附於至道未必長  
生也公輸班與墨翟競巧見戰國子書考墨  
子絕不及神仙事然道家率以爲得仙太平  
廣記御覽皆載之抱朴子引墨子七變法諸  
幻化之術摠之方士依託也

又有墨子枕中  
記考見經籍考

王喬尤易舛淆古今未有了此者楊用修王元  
美卮言俱以爲有二人余別考得三人自謂  
足據近復憶之誤也仙家王子喬傳子喬卽  
太子晉字子喬

一云名喬  
字子晉

遇浮丘公授以至



道於緱山乘鶴上昇時人觀者咸曰王子登  
仙遂言曰王卽吾姓因遂稱王子喬并葉縣  
爲令飛鳥之王喬柏人爲令食芝之王喬其  
爲三人無疑余舊常載之史書佔俾中然三  
代前以子系字者尚希而是時卽太子亦稱  
王子其謂王子喬者猶云太子晉爾未必字  
爲子喬也旣周太子自應姬姓何得以爲氏  
王傳中王卽吾姓之云蓋不得王子二字之  
義而強爲茲說以傳會之耳今詩家稱子晉

者亦非

二王喬並載  
後參閱自明

王喬者河東人也漢明帝時爲尚書郎出爲葉  
縣令後天下玉棺於堂前吏人推排終不搖  
動喬曰天帝獨召我耶乃沐浴服飾寢其中  
蓋便立覆宿昔塋於城東自成墳其夕縣中  
牛皆流汗喘乏而人無知者百姓爲之立廟  
號葉君祠吏人祈禱無不如應若有違犯者  
立見禍云云

王喬捷爲武陽人也武陽有北平山在益州南



一百四十七里高一千二百丈上有白蝦蟇  
謂之肉芝食者長生非仙材靈骨莫能致也  
喬好道望山朝拜積十餘年登山感致因得  
食之身輕力倍行及走馬後爲柏人令遂於  
東嶽山得道今武陽有喬仙祠王喬有三同  
姓名有太子晉王喬有葉令王喬食肉芝王  
喬乃蜀中神仙也右見太平廣記其謂三人  
亦不詳考王子喬非王姓也

封禪書作正伯  
喬非王姓

名疑云卽封禪  
書王伯喬麟按

又御覽劔解門引道經云王子渤海之冢劔鳴  
空榔王喬景陵之墓劔飛冲霄王子者曾詣  
鍾山獲九化十變經以隱遁日月遊行星辰  
後一旦疾終營冢渤海山夏襄時有發王子  
墓者一劔在此寢上自作龍鳴人無敢近後  
亦失所之王子喬墓在景陵戰國時復有發  
其墓者見一劔人適欲取視其劔忽然上飛  
去王子喬事舊說浮丘公攜與乘鶴共登嵩  
山此事又不同解化時年正十五六云云按



此子喬劔解事頗新僻并著之此所稱王子不知何人其劔解亦與子喬相亂不可不知

路史云王子喬名超古字開山尤爲奇僻并附記

漢有二王褒一字子淵武帝時人卽上聖主得賢臣頌者未謂奚必偃仰屈伸若彭祖噫吁呼吸如喬松哉蓋諷武帝之學仙其識趣非道家者流也一字子登武帝時人遇華山異人得道治王屋山號清虛真人又後周王褒字子淵唐人避高祖諱易爲子深亦能文章

工詩是有三王褒也然後漢郊祀志又有王

褒姓名非武元二帝以文學道術顯者是漢

自有三王褒也

又王母侍女王子登亦仙人姓名與字同者

二張衡俱後漢人一字平子以文章名世而精心藝術作渾天儀等世以爲聖人一字靈真天師張陵長子靈帝徵爲黃門侍郎不就與妻盧氏竝得道白日飛昇此二人亦易混淆一昇仙一稱聖其時又酷相近然隨時又有張衡卽楊廣遣害文帝者總之有三與三王



褒絕類云

郊祀志中王褒乃帶劔入廟者亦妖妄之屬也

仙鑑注稱衡一字子平頗精玄象學道繼出事

漢為隴西刺史遷侍中此必後漢列傳中張

衡道家者流不能辨而以為張陵之子也子

平即平子倒之為子平耳

仙鑑又有宮崇蓋即後漢書于吉弟

子宮崇宗訛也

二王賈一從仙人胡母丘力君服神芝得道見

真仙通鑑一幼引諸父觀真龍者見太平廣

記古今說海

二劉商一唐詩人作胡笳十八拍者見紀事品

彙樂府諸書一中山靖王後舉孝廉出仕因

學道得仙見太平廣記神仙類仙鑑以得仙

者即唐詩人恐誤然廣記亦錄唐劉商必有

二馬自然一馬湘字自然一姓馬名自然見太

平廣記及仙鑑等又女仙有謝自然見續仙

傳仙鑑又有賈自然

二朱孺子疑一人一服菊花一服枸杞俱得仙

見仙鑑



三謝稚堅一與葛玄相隨一在鹿跡洞一服茯苓度世皆仙人也真誥注以爲一人三出世耳

二楚康王一名昭以魯襄公二十一年卒見春秋一秦滅六國後得仙今廬山康王谷是也周有二定王魯有二文公楚有二懷王康王得仙者前懷王後也匡續居廬山匡俗字子希居覆笥山二字音相近今詩家互用非是二曹休俱魏宗室一仕晉爲史官齊梁間或處

朝列得神仙之道多遊江湖間見神仙感應傳千濤下太平廣記四十二卷引之以僻甚詳識此一卽魏將然仙鑑又有曹德休見十九卷注引王元芝傳云西晉太史蓋卽此人也二施肩吾一中晚唐間詩人一撰鍾呂傳道集仙鑑以爲卽呂弟子按呂晚唐人則其弟子未必能詩者恐當爲二人

二張芝一漢張道陵女得仙者一草聖亦漢人道陵女見仙鑑



唐張碧欲配李白故字大碧已極可嗤真仙通  
鑑又有張白字虛白亦能詩天才敏贍數日  
間賦武陵春色詩三百餘首尤可笑也然宋  
宣和時又有張致祥名虛白亦得仙謂即張  
白後身益奇矣

二葫蘆生一見酉陽雜俎一見李鄴侯傳竝異  
人竝無姓名一人耶二人耶不可曉也  
仙鑑有許鵲又有許碣非二人也卽一人譌爲  
二耳見唐詩紀事及詩話總龜

弇州五秩初度次公以洪崖移居圖來壽長公  
跋云此唐張氲先生非古青城仙伯也李鄴  
侯畱客嘗稱洪崖先生過人皆嘆之夫以爲  
古青城仙伯則誕以爲張氲先生不足誕也  
鄴侯自靈武功成後失不匿跡耳不然安知  
鄴侯不爲真而先生不爲誕耶云云  
按右長公跋最有妙理真仙通鑑氲傳末引太  
平廣記云唐憲宗時韓愈謫潮州行次商山  
有甥慕雲水得道久不知所之忽迎立馬前



送至鄧州曰某師在此山玄扈倚帝峰爲東園公柔金玉作九華丹火候精微難於暫捨請從此辭問其師曰洪崖先生也

丹霞翁曰洪崖先生聞於古洪崖子於唐其爲二人明甚然洪崖子者玄宗亦嘗稱先生矣韓甥所遇果何人耶然則憲宗時氲尚隱商山韓湘從而師之况泌當肅代際與氲游往何足怪者考氲傳尸解於天寶四年又八月復尸解於晉州祿山之亂以靈響助肅宗似在泌前然泌以童子見賞玄宗世氲於開元七年應召未始不相及也李肇國史補誣昌黎登華陰事又以此爲長源累野史不可憑且可畏哉

傳又稱氲居豫章洪崖山有石磯曰洪崖釣臺石池曰洪崖硯池氲自稱洪崖子玄宗稱之曰洪崖先生其著耀當時若此鄴侯不應引古洪崖時人亦不應疑留宿者爲古洪崖仙人也緣泌始謂麻姑送酒而繼有某侍郎索



益故時人傳以爲譏然安知非野史家潤飾  
爲此耶

洪崖先生傳云洪崖先生者或云黃帝之臣倫  
倫也得道仙去姓張氏帝堯時已三千歲矣  
陶弘景真誥云洪崖先生今爲青城洞真故  
青城山有洪崖司馬天師五嶽朝儀云青城  
山洞周回二千里昔洪崖先生服琅玕花隱  
去代爲青城真人據此則古洪崖治青城山  
甚明然傳又云洪崖山在豫章之西山有仙  
壇臨井上爲洪崖煉丹處五春白色渥如丹  
各圓深二尺餘爲洪崖煉藥處則又似言豫  
章何耶蓋青城爲古洪崖所理無疑而豫章  
則唐張盥先生隱處也或疑洪州是開皇時  
改號在唐前然則豫章固舊有茲山張盥隱  
焉而井曰則盥之遺跡無惑也設帝堯前安  
有張姓其謂張姓者斷因唐之洪崖而訛矣  
仙家好古者蓋莫如張洪崖傳稱天下名賢與  
盥游皆以古物爲贈開國公李太子一遣書



曰僕聞先生有好古之癖欽仰之久近有張  
生者晉司馬華九世孫不遠千里以孔子木  
履一枚見遺云傳寶已二百年觀其先聖所  
踐之物非敢匿之用是馳獻太子洗馬田遊  
巖贈尹喜龜王戎如意杖侍御史郭翰贈王  
烈石髓孔子二儀履楊炯贈孔子石硯楊雄  
鐵硯僧惟恭贈筇竹杖楊齊哲贈稽康鍛鎚  
陳平秤僧元亨贈謝靈運鬚數莖僧智遠贈  
蔡邕焦尾琴葛洪刮藥篋條然贈迦葉陀頭  
鉢秦莊贈河上公註五千言草本劉守章贈  
四皓鹿角枕司馬子微贈淮南王藥臼杵周  
子恭贈古帝王圖一卷節度使張守珪贈海  
蝦蟆牙長一尺八寸魏肅贈陶潛鳴琴芙蓉  
冠劉長新贈王喬笙云云據傳氲所得物其  
荒唐至不可言世人顧以鄴侯一盒爲誕何  
耶氲以道術動當時所交皆海內名流鄴侯  
少卽好道寧有不與游處者長公雖偶爾戲  
筆考之則鄴侯之真氲之誕若符節合有是



哉

賓退錄云吳虎臣於唐異聞集所載開元中道  
者呂翁經邯鄲道上邸舍中以囊中枕借盧  
生睡事謂此呂翁非洞賓自序以爲呂渭之  
孫渭仕德宗朝今日開元中則呂翁非洞賓  
無可疑者而或者又以爲開元恐是開成字  
亦非也開成雖文宗時然洞賓此時未可稱  
翁本朝國史稱關中逸人呂洞賓年百餘歲  
而狀貌如嬰兒世傳有劍術時至陳搏室若  
以國史證之止云百餘歲則非開元人明矣  
雅言系述有呂洞賓傳云關右人咸通中舉  
進士不第值巢賊爲梗攜家隱居終南學老  
子法以此知洞賓乃唐末人此皆吳說蕭東  
夫呂公洞詩云復此經過三十年唯應巖谷  
故依然城南老樹朽爲土簷外稚松青拂天  
枕上功名祇擾擾指端變化又玄玄刀圭乞  
與起衰病稽首秋空一劍仙第五句誤用呂  
翁事又唐逸史程鄉永樂兩縣連接有呂生



者居二邑間爲童兒時畏聞食氣惟食黃精  
日覺輕健耐風寒見文字及人語率不忘母  
及諸妹每勸其食不從後以猪脂置酒中強  
使飲生方固拒已噓吸其氣忽一黃金人長  
二寸許自口出卽仆臥因憊移時方起先是  
生年近六十鬢髮如漆至是皓首恨惋垂泣  
再拜別母去之茅山不知所終此又一人也  
何神仙多呂氏乎右俱賓退錄語然神仙家  
又有呂志真又有呂恭呂大郎俱得道長生

見仙鑑蓋不止前數人也

又呂尚亦尸解棺中惟六破見仙鑑

仙鑑鍾離傳稱權仕漢爲諫議爲大將皆附會  
舊史人名極可笑予已辯之丹鉛新錄中考  
神仙家又有鍾離簡兄弟亦漢時人皆得仙  
又鍾離安晉時人許旌陽弟子亦得仙權後  
改名覺字寂道嘗自稱天下都散漢見宣和  
書譜元人傳奇因訛爲漢鍾離今遂舛謬相  
承不知漢時得仙者自是鍾離簡晉時得仙  
者自是鍾離安於鍾離權悉無與也權自顯



於宋世王定國嘗與游王老志爲其弟子蓋  
宣和間人恐亦非唐人也

生在儒家偶太平元纁重滯布衣輕誰能世路  
趨名利臣事玉皇歸上清右李昇詩元白全  
時人近呂純陽傳謂此洞賓作非然唐詩紀  
事亦不收此詩因錄之

自王重陽全真教行而趙昌父選唐絕尤延之  
紀唐詩皆取鍾呂作世遂亡弗以二子爲唐  
人者以余考之呂蓋五代人而鍾顯宋世其  
不得爲唐人一也何以明之鍾呂傳道集稱  
施肩吾撰肩吾中唐後人於呂爲前輩不應  
爲其弟子藉令受道之士齒非所拘則唐人  
之好奇語誕什倍宋時如玄怪杜陽異聞甘  
蹏之類往往假稱神怪以自發其詞而呂之  
顯述宋世婦人童子稔能傳述胡唐之小說  
無片詞及之僅傳道一集耶此其不得爲唐  
人一也

鍾呂顯述宋世則國史及宣和書譜  
及夷堅志諸家小說紛然備載唐絕

不聞又太平廣記采摭累朝小說數百家至唐



人撰述宋初存者什九亡弗備收如神仙一類卷至數十卽杜子春輩之無稽紀錄不遺乃鍾呂傳道集竟不見采考之總目亦無其名其書雖見於文獻通考而劉昫舊唐書志中不列則其僞作而託名肩吾無可疑者此其不得爲唐人二也

傳道錄必宋人因呂顯著後託名肩吾姓氏或其人與施名姓相同撰述此書世人遂妄傳唐世作通考後出故也

鍾之詩可見者惟二絕句呂之詩可見者僅一絕一律然尤延之所采竟不知得之何書趙

昌父又因延之計敏夫紀事又本之尤趙而元好問鼓吹一律又不審得之何書者也然則三絕一律庸知非鍾呂宋時之作諸公因其自稱唐人故從而彙之於唐耶庸知非當時因二公顯迹而好奇者託附其名好事者遂目爲其作耶

觀虞伯生麻店一詩滕玉霄訪友一詩當時皆以爲呂作則他可例見矣

考呂之顯迹五代見於雜說者其句有飲海龜兒人不識燒山符子鬼難看見於詩話者其



句有一粒粟中藏世界半升鐺裡煮山川似  
是本詩而朝遊北海暮蒼梧亦可信者然皆  
五代小說所載也傳燈謂見黃龍恐僧家附會不足信鍾之詩  
句可徵者莫厭追懽笑語頻一首然僅宣和  
書譜及之也自餘呂之顯迹幾遍天下率宋  
南度以前鍾之顯迹惟王定國一書及王老  
志為弟子耳其謂鍾為呂師止宣和書譜一  
言餘雖呂自言嘗數數也賓退錄引宋朝國  
史載關中逸人呂洞賓年百餘歲狀如嬰兒

時至陳搏室據國史宋得天下距五代又數  
十年而呂才云百歲則洞賓之為五代時人  
灼然可見而施肩傳道集之贗不加辯而自  
明矣陳希夷亦載呂與宋初國史全

筆叢

王部

玉壺遐覽二

必定山房

筆叢玉部

玉壺遐覽三

十六



是木詩而朝遊北海暮登梧亦可信者然皆  
五代小說所載也傳世謂不足信鍾之詩  
句可徵者莫厭追權笑語類一首然惟冠和  
書譜及之也自餘呂之類迹幾遍天下率家  
門矣荆系爽亦輝呂與宋成固史全及上老  
然其其而鼓自轉鼓果之實不取辯而自  
十羊而呂本云百燕限國實之為五升却人  
非空刺刺室熱固史宋掛天不批正升又樓

叢

七部

玉壺選覽四

東越 胡應麟 明瑞 著

新都 江湛然 清臣 輯

澱水 趙鳳城 文鎮 校

吾郡金華山道書為三十六洞元之天世傳神  
仙窟宅今赤松鹿田奇蹟至眾所盛稱者皇  
初平兄弟叱石成羊事餘以神仙著郡中則  
張玄真其人舍是渺不復聞卽郡乘紀載亡



幾余暇讀道書汨諸家傳記小說得其人與  
事之相類者凡涉吾郡輒錄之未旬而駸駸  
成軸因附錄遐覽之末庶朝夕諷咏如躬覩  
之萬一異時爲邂逅之階云

龍城錄云金華山卽今雙谿別界其北有仙洞  
俗呼爲劉先生隱身處其內有三十六室廣  
三十六里石刻上以松炬照之云劉巖字仲  
卿漢室射聲校尉當恭顯之際極諫被貶於  
東甌隱迹於此莫知所終卽道士蕭至玄所

記也山口人時得玉篆牌俗傳劉仲卿每至  
中元日來降洞中豈仲卿亦梅子真之徒歟  
按此事不見漢諸雜說故吳禮部詩話以卽  
劉孝標紫薇巖也然孝標名將後此山而朽  
則以紫薇爲仙窟孝標爲仙官亦亡不可者  
夷堅志云金華赤松觀爲九天玄女煉丹所丹  
始成凡三粒一祭天一祭地皆瘞於隱所一  
以自餌蓋不知幾何世矣宣和間某道士獨  
坐竹軒見所養雞啄龍眼於竹根下甚大而



有光急起奪得之香氣襲人意所謂神丹也  
未敢服密貯以噐寘三清殿前願見者則焚  
香啓鑰以示後爲遊士攫取以像前供水吞  
之奪不可得亟集衆擒之士飄然行池水上  
如飛明日或見其坐水底水皆涌沸竟莫知  
爲何人道士悵然自悔汲水滌盛丹噐飲之  
自是面如童顏唇赤左右手軟如綿年九十  
尚强健雞亦活三十年

後漢書云徐登者閩中人也本女子化爲丈夫

善爲巫術又趙炳字公阿東陽人能爲越方  
時遭兵亂疾疫大起三人遇於烏傷溪水之  
上各試所能登乃禁溪水水爲不流炳復次  
禁樹卽生萑二人相視而笑炳以登年長師  
事之相與共行禁法所療皆除後登物故炳  
東入章安船人不知之炳乃張蓋坐其中長  
嘯呼風亂流而濟於是百姓神服從者如歸  
章安令惡其惑衆收殺之人立祠於永康蛟  
蚘不能入也



神仙傳漢神爵元年東吳金華山世傳多地行  
仙有木客薪於山中見兩黃冠碁於松下木  
客偶坐而窺之黃冠碁自若也良久欠伸欲  
歸俄失黃冠所在而碁殘之局在地未收舉  
手中斧視之柄已爛壞大驚疾馳出山而陵  
谷已改國邑非舊問路人今爲何時有對者  
曰宋元嘉十三年也於是木客太息因隱於  
山中按茲事世傳爲王質在衢州爛柯山據  
此乃在吾鄉而世絕不傳因錄之爲郡乘補

逸

神仙通鑑云王質晉時東陽人也入山伐木至  
信安郡石室山遇見石室中有數童子圍碁

歌笑

一云遇赤松子  
與安期生奕碁

質置柯觀之童子以棗

如棗核與質令含咽其汁便不覺饑渴童子  
云汝來已久可還質取斧柯爛已盡質便歸  
家記已數百年親舊零落無復存者復入山  
得道百餘年人往往見之後亦昇天而去浙  
江信安有爛柯山卽其地也今屬衢州西安



縣按此乃爛柯之說然亦以爲東陽人而神  
仙傳事在漢世安知此說不因彼假託耶此  
赤松子當亦是牧羊君世但知皇氏兄弟今  
復得觀其事信吾郡多奇也

仙鑑云路大安一名光大寧軍內黃縣人也後  
徙居婺州乃漢路溫舒九世孫於順帝漢建  
安元年九月十五日子時誕生神清骨秀髮  
疎眼青襲學箕裘博通經史居華山以混元  
錄傳之丁義以混元經傳之郭璞以混元法  
傳之許旌陽以混元針灸傳之妙通朱仙士  
安元年八月十二日夜夢太上老君謂曰年  
與名同可以冲天遂於是歲羽化至今言混  
元者宗之稱真人

孫遊嶽字穎達東陽人潛神希微嘗步赤松澗  
縉雲堂卜終焉之地宋文帝太初中簡寂先  
生至廬嶽乃執籍事之遂授三洞法經及楊  
許二真人墨跡其後茹芝却粒又專服穀仙  
丸六十七年顏色精爽老而愈少以七年五



月中忽沐浴安坐而終門弟子數百人惟陶  
弘景爲入室以三洞經及楊許墨跡竭篋相  
付後弘景因撰真誥行於世麟按二子一爲  
旌陽祖一爲貞白師可謂吾郡羽流巨擘而  
世寡知者故特著之今惟遊岳尚見郡乘中  
大安生漢世在皇初平傳大士前又異教中  
第一開山祖也

真誥云陳雷者東陽人幼出許長史門長史嘗  
使典有經書頗加訓授兼得長史自步七元  
星圖長史去後因還東陽義熙十三年與東  
陽太守任城魏欣之兄子二人共合丹丹成  
三人前後服服皆有神異託迹暫死化遁而  
去雷有孫名某號爲長樂今居永康橫江橋  
北按魏欣之爲金華守仙去今無復知者陳  
雷出處尤僻也

唐紀聞云王賈覃懷人有道術年十七爲婺州  
叅軍以事到東陽令有女病魅數年醫不能  
愈令邀賈到宅置茗饌而不敢有言賈知之



謂今日聞君有女病魅當爲去之因爲桃符  
令置所臥牀前女見符泣而罵須臾眠熟有  
大狸腰斬死於牀下疾乃止時杜暹爲婺州  
叅軍賈與同泛錢塘觀江湖入水底探大禹  
金匱玉符俄卒於道謂暹曰我三天人也以  
罪謫人間二十五年今期滿矣

右見太平廣  
記三十二卷

仙鑑又有一  
王賈非此人

續仙傳云玄真子姓張名志和字子同會稽山  
陰人一云婺州金華人始名龜齡十六擢明  
經對策仕自號烟波釣徒得道羽化事甚著  
不備錄

陳簡婺州金華縣小吏也早入縣未啓關忽逢  
道流行甚急簡不覺隨之行及一宮觀殿宇  
森聳道流引之至一室有几案筆墨之屬以  
黃素書一卷紙十餘幅授之曰以汝有書性  
爲我書之視之皆古篆文素不識篆字試按  
本書之半日已畢道流以一杯湯與飲曰此  
金華神液飲之壽不可限因勞謝遣之曰世



難復來此金華洞天也出門恍如夢覺已三日矣還家習篆書遵勁異常不復飲食太守異其事以爲神仙判縣狀曰方得秘篆有此嘉祥旣彰懷道之階允協成功之兆簡尋復入金華山莫知所終

葆光錄云婺州有僧入山見一人古貌巾褐騎牛手執鞭光鑠日色扣角而歌曰靜居青嶂裏高嘯紫烟中塵世連仙界瓊田前路通僧揖之不應馳步趨之不及望赤松而去

仙鑑云梅真人蕭侍郎皆隱玉笥山時人多見之梅卽南昌尉梅福也蕭卽梁之公子子雲也自東陽太守避侯景之亂全家入山二人俱得道於此山右見高師道傳按蕭子雲爲東陽太守郡志所不載錄之

仙鑑云謝允老字道通歷陽人幼時爲人所掠賣往東陽久之告官被誣陷烏傷獄將入死夜有老翁授其符又有黃衣童子往來於是得免晉成帝咸康中至襄陽武當山見戴孟



觀其風骨卽先來獄中授符者也

夷堅續志云徐上舍婺州人泛舟趨杭忽舟漏梢子請上岸塞舟事畢皆跣足而入同舟人見其足大小指皆短問之曰自出母胎一足指皆向後越二年忽有道人來必欲見乳母抱出示之道人命烹一小羊用羊皮裹其足一宿次早掀開則其指皆向前但視足指有大小長短耳

杜亞歸金華人宋紹興間因病風兩足拘攣行丐於市淳祐癸丑八月十七夜月明如晝見一人青巾皂縑白襪衫於路傍採雜草按碎掬溝之汗水若彈然授之曰汝可食此亞歸餌之其人曰明夜再來會我於此遂去覺腹中攪戚不自安曳行至橋上倚柱假寐良久方覺其一足略能伸試扶欄起立骨磔磔然有聲自此能行

修羊公魏人華陰山石室中有懸石榻臥其上石盡穿陷略不動時取黃精食後以道聞於



上漢景帝禮之使止王邸中數歲道不可得  
有詔問公何日發語未幾牀上化爲白石羊  
題其脇曰修羊公謝天子後寘石羊於通靈  
臺上羊後復去不知所在按皇初平叱石化  
羊事人共知者此乃仙化爲石尤奇仙家羊  
事頗衆左慈亦化羊羊城五仙騎五色羊老  
子期尹喜於青羊肆今青牛事盛見援引青  
羊詩家亦間用之

又史建每遠行寄羊數十  
日於人不飲食又有白羊  
君又白羊公子爲王輝師  
又葛由騎木羊見列仙傳

成君平者長沙郡人也年十五兄使牧鷺羊忽  
遇一仙翁將入東華山兄後尋至山中見君  
平因問所牧鷺羊何在君平指白石曰此是  
也遂驅起令隨兄去旬日却還山下復化爲  
石今猶存焉因名此山爲鷺羊山此山在長  
沙縣北二十里本名東華亦謂之寶山上有  
仙壇山丹竈畢田詩云羽客何年此煉丹尚  
留空竈鎮青山雲中雞犬仙應有山下鷺羊  
石轉頑湘渚幾回滄海變遼城無復令威還





何年仙馭重來此盡遣飛騰上九關

按仙鑑此事全

傲皇氏兄弟其偽無疑然世絕不傳因錄此

黃野人葛僊之弟子也

或云葛仙之隸

稚川棲山煉丹

野人隨之葛既仙去留丹於柱石之間野人

自外至得一粒服之為地行仙今肉身常在

世間有緣者或遇之

出羅浮圖志

後有人遊羅浮

宿留巖谷間中夜見一人身無衣而紺毛覆

體意必仙也乃再拜問道其人了不顧但長

嘯數聲響振林木歌詩云雲來萬嶺動雲去

天一色長嘯兩三聲空山秋月白其即野人

明矣又宋度宗咸淳中客有戴烏方帽著鞞

往來羅浮山中見人則大笑反走三年不言

姓名他日醉歸忽取煤書壁上云雲意不知

滄海春光欲上翠微人間一墮千劫猶愛梅

花未歸書畢度海而去豈非野人之儔侶乎

右二則見仙鑑蓋會萃羣說合而為一以皆

係羅浮耳前詩詩文玉屑嘗引之而不言姓

名後詩杜清碧答音所載二作皆有致然未



必卽晉時野人大槩宋人格調耳

楊用修錄古碣仙詩二句云遠岫出浮雲遙空  
沒歸翼以爲不知名氏余謂此二語格頗類  
晉人及三謝非唐後語也

馬湘秦望山詩云太乙初分何處尋空留曆數  
變人心九天日月移朝夕萬里山川換古今  
風動水光吞遠嶠雨添嵐氣沒高林秦王漫  
作驅山計滄海茫茫轉更深右馬自然七言  
律一首自然晚唐人稱得道者此詩句格呼

嶸尚有大曆前意景聯居然作者仙家流未  
易辦茲亦古今羽客第一首也自然又有一  
絕云昔日曾隨魏伯陽無端醉臥紫金牀羣  
仙拍手嫌輕薄謫向人間作酒狂殊豪宕可  
喜第與許碣詩頗相亂碣亦晚唐視湘稍後  
云

許碣自稱高陽人少爲進士累舉不第晚學道  
於王屋山周游五嶽名山洞府後從峨眉山  
經兩京復自荆襄汴宋抵江淮茅山天台四



明仙都委羽武夷霍洞羅浮無不遍歷到處  
皆於懸崖峭壁題云許碣自峨眉山尋偃月  
子到此觀筆蹤者莫不嘆其神異竟莫識偃  
月子也後多遊廬山嘗醉吟日閨苑花前是  
醉鄉踏翻王母九霞觴末二句全與馬同不  
知竟爲誰作許後白日飛昇於酒樓按呂純  
陽稱唐進士余考之實五代人許則真晚唐  
舉子而罕知者故錄之出入仙鄉不記春豈  
知塵世有寒溫兒家祇在西山裏除却白雲  
誰到門因于君出遊經時不歸獨步醮壇有  
感而作昨日因遊到翠微醮壇風冷杏花稀  
碧桃爲我傳消息何事人間去不歸右許旌  
陽僕于大妻作見仙鑑七言絕齊梁始有之  
二詩僞作無疑然亦自成語附錄之

筆叢

王部

王壺遐覽四

水滸山房

筆叢王部

王壺遐覽四

七

終



<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------

...



